

ՀԱՇՎԵՏՎՈՒԹՅՈՒՆ

Վայոց ձորի մարզպետարանի աշխատակազմի տեղեկատվության և հասարակայնության հետ կապերի բաժնի կողմից 2015թ. ընթացքում կատարված աշխատանքների մասին

Հանրային իրազեկումը Վայոց ձորի մարզպետարանի աշխատանքային ծրագրի մաս է կազմում և կոչված է հիմնականում լուսաբանելու այդ ծրագրի շրջանակներում իրականացվող միջոցառումները, գործընթացները և դրանց արդյունքում սպասվող ակնկալիքներն ու ձեռքբերումները:

2015 թվականի հունվար-դեկտեմբեր ամիսներին մարզպետարանի աշխատակազմի տեղեկատվության և հասարակայնության հետ կապերի բաժինը ղեկավարվելով բաժնի կանոնադրությամբ և բաժնին վերապահված գործառնությունների, ինչպես նաև քաղաքացիական ծառայողների պաշտոնի անձնագրի պահանջներով՝ հաշվետու ժամանակահատվածում իրականացրել է հետևյալ աշխատանքները.

ՏԵՂԵՎԱՏՎՈՒԹՅՈՒՆ ԱՅԼ ԿԱՅՔԵՐՈՎ ԵՎ ՋԼՄ-ՆԵՐՈՎ ԼՈՒՍԱԲԱՆՄԱՆ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Հաշվետու ժամանակահատվածում ՀՀ Վայոց ձորի մարզպետի և մարզպետարանի աշխատանքային գործունեության հանրային իրազեկումը մարզպետարանի աշխատակազմի տեղեկատվության և հասարակայնության հետ կապերի բաժնի կողմից իրականացվել է «Միասնական տեղեկատվական հարթակ»-ի, մարզային «Վարդաձոր», «ԱգրոԿամուրջ» ամսաթերթի, «Հայաստանի Հանրապետություն» օրաթերթի, միջոցով:

ՏԵՂԵՎԱՏՎՈՒԹՅՈՒՆ ՄԱՐԶՊԵՏԱՐԱՆԻ ԿԱՅՔԷԶԻ «ՆՈՐՈՒԹՅՈՒՆՆԵՐ» ԲԱԺՆՈՒՄ ՏԵՂԱԴՐՎԱԾ ԲՈՎԱՆԴԱԿԱՅԻՆ ՆՅՈՒԹԵՐԻ ՄԱՍԻՆ

Մարզպետի գործունեության հրապարակայնությանն են ուղղված եղել նաև պաշտոնական կայքի «Նորություններ» բաժնի նյութերը: 2015թ. ընթացքում մարզպետարանի պաշտոնական կայքի «Նորություններ» բաժնում տեղադրվել են 435 լուսաբանական նյութեր, որոնք լրատվական բնույթի հաղորդումներ են:

Դրանք արտացոլել են մարզպետի աշխատանքային գործունեությունը, մարզպետի՝ մարզի տարբեր համայնքներում կատարած աշխատանքային այցերը, մարզպետի կողմից քաղաքացիների ընդունելությունները, մարզի համայնքներում առկա սոցիալ-տնտեսական իրավիճակը, տարբեր հիմնախնդիրների վերաբերյալ մարզպետարանում հրավիրված քննարկումները, կրթամշակութային անցուղարձը, ինչպես նաև ՀՀ և օտարերկրյա պատվիրակությունների մարզ կատարած աշխատանքային այցերը, մարզպետի հանդիպումները հանրապետական և միջազգային տարբեր կազմակերպությունների կամ նրանց ներկայացուցիչների հետ և այլ բնույթի աշխատանքները:

ՏԵՂԵԿԱՏՎՈՒԹՅՈՒՆ ՄԱՐԶՊԵՏԱՐԱՆԻ ԿԱՅՔԷԶԻ ԱՅԼ ԲԱԺԻՆՆԵՐԻ ՄՊԱՍԱՐԿՄԱՆ ՄԱՍԻՆ

Հաշվետու ժամանակահատվածում մշտապես թարմացվել են Վայոց ձորի մարզպետարանի պաշտոնական կայքի ներքոնշյալ բաժիններն իրենց ենթաբաժիններով.

- Մարզպետարան
- Տեղեկատվական կենտրոն
- Համայնքներ
- Ծրագրեր և փաստաթղթեր
- Մարզի սոցիալ-տնտեսական իրավիճակը
- Ընդհանուր տեղեկություններ
- Արտաքին կապեր
- Իրավական ակտեր
- Կազմակերպություններ
- Քաղաքացիների ընդունելություն
- Ազգային ծրագրեր
- Հողերի կառավարում
- Ըտանեկան նպաստի և հրատապ դրամական օգնության ցուցակներ
- Հայտարարություններ
- Քաղաքացիների ընդունելություն
- Համազգային ծրագրեր
- Ընտանեկան նպաստի և հրատապ դրամական օգնության ցուցակներ
- Դիմեք մեզ
- Հղումներ

Տարվա ընթացքում բացվել են նոր բաժիններ` << ՀՀ քաղաքացի աշխատանքային միգրանտների կողմից աշխատանքային գործունեություն ծավալելու կարգի և պայմանների մասին>> և<< Հիվանդանոցային և արտահիվանդանոցային բուժօգնության և սպասարկման, ախտորոշիչ հետազոտությունների վճարովի ծառայությունների անվանացանկ>> վերնագրերով և լրացվել համապատասխան նյութերով:

ՏԵՂԵԿԱՏՎՈՒԹՅՈՒՆ ՎԱՅՈՑ ՁՈՐԻ ՄԱՐԶՊԵՏԱՐԱՆԻՆ ՈՒՂՂՎԱԾ ՀԱՐՑՈՒՄՆԵՐԻՆ ՏՐՎԱԾ ՊԱՏԱՍԽԱՆՆԵՐԻ ՎԵՐԱԲԵՐՅԱԼ

2015 թվականի ընթացքում ԶԼՄ-ների և հասարակական կազմակերպությունների կողմից Վայոց ձորի մարզպետարանին արվել է տեղեկատվական 4 հարցում, որոնց պատասխան է տրվել օրենքով սահմանված կարգով և ժամկետում:

**ՏԵՂԵԿԱՏՎՈՒԹՅՈՒՆ 2015 ԹՎԱԿԱՆԻՆ ՀՀ ՎԱՅՈՑ ՁՈՐԻ ՄԱՐԶՊԵՏԻ ԿՈՂՄԻՑ
ՏՐՎՈՂ ԱՍՈՒԼԻՄՆԵՐԻ ԿԱԶՄԱԿԵՐՊՄԱՆ ՎԵՐԱԲԵՐՅԱԼ**

2015 թվականի փետրվարի 17 –ին կազմակերպվել է ՀՀ Վայոց ձորի մարզպետի մամուլի ասուլիսը պաշտոնավարման 100 օրվա և 2014 թվականին ՀՀ Վայոց ձորի մարզպետարանի գործունեության արդյունքների ամփոփման վերաբերյալ, որին մասնակցել են մարզային ամսաթերթերի՝ „Վարդաձոր,, անկախ պարբերականի և „ԱգրոԿամուրջ,, Վայոց ձորի ԳԱՄԿ – ի պաշտոնաթերթի խմբագիրները և մի շարք հասարակական կազմակերպությունների ղեկավարներ: Ասուլիսը լուսաբանվել է մարզպետարանի կայքի, մարզային ամսաթերթերի և „Հայաստանի Հանրապետություն,, ՀՀ կառավարության պաշտոնական օրաթերթի և „Հանրապետական միասնական տեղեկատվական հարթակ,, կայքի միջոցով: ՀՀ Վայոց ձորի մարզպետարանի և մարզպետի 2015 թվականի առաջին կիսամյակի գործունեության արդյունքների ամփոփման վերաբերյալ մամուլի ասուլիս է կազմակերպվել ս/թ. հունիսի 30-ին, իսկ տարեկան գործունեության արդյունքների ամփոփիչ ասուլիսը կայացել է ս/թ. դեկտեմբերի 25-ին, որոնց մասնակցել են մարզային ամսաթերթերի „Վարդաձոր,, անկախ պարբերականի և „ԱգրոԿամուրջ,, Վայոց ձորի ԳԱՄԿ – ի պաշտոնաթերթի խմբագիրները, Վայոց ձորի թեմի լրատվության պատասխանատուն և մի շարք հասարակական կազմակերպությունների ղեկավարներ: Ասուլիսները լուսաբանվել է ՀՀ Վայոց ձորի մարզպետարանի և Վայոց ձորի թեմի կայքերով, ինչպես նաև վերը նշված հանրապետական ու մարզային լրատվամիջոցներով:

ՀՀ Վայոց ձորի մարզպետարանի աշխատակազմի
տեղեկատվության և հասարակայնության հետ կապերի
բաժնի պետ՝
Ս. Մարգարյան